

## 方便品第二

### (一) 居士風範

爾時，毘耶離大城中，有長者名「維摩詰」：	
已曾供養無量諸佛，深植善本，得無生忍：	<ul style="list-style-type: none"> <li>① 辯才無礙，遊戲神通；逮諸總持，獲無所畏；降魔勞怨，入深法門。</li> <li>② 善於智度，通達方便，大願成就；明了眾生心之所趣，又能分別諸根利鈍。</li> <li>③ 久於佛道，心已純淑，決定大乘；諸有所作，能善思量，住佛威儀，心大如海。</li> <li>④ 諸佛咨嗟！弟子、釋、梵、世主所敬！</li> </ul>
欲度人故，以善方便，居毘耶離：	<ul style="list-style-type: none"> <li>① 資財無量，攝諸貧民。</li> <li>② 奉戒清淨，攝諸毀禁。</li> <li>③ 以忍調行，攝諸恚怒。</li> <li>④ 以大精進，攝諸懈怠。</li> <li>⑤ 一心禪寂，攝諸亂意。</li> <li>⑥ 以決定慧，攝諸無智。</li> </ul>
雖為白衣，奉持沙門清淨律行：	<ul style="list-style-type: none"> <li>① 雖處居家，不著三界；</li> <li>② 示有妻子，常修梵行；</li> <li>③ 現有眷屬，常樂遠離；</li> <li>④ 雖服寶飾，而以相好嚴身；</li> <li>⑤ 雖復飲食，而以禪悅為味；</li> <li>⑥ 若至博奕戲處，輒以度人；</li> <li>⑦ 雖明世典，常樂佛法；</li> <li>⑧ 受諸異道，不毀正信；</li> <li>⑨ 一切見敬，為供養中最；</li> <li>⑩ 執持正法，攝諸長幼；</li> <li>⑪ 一切治生諧偶，雖獲俗利，不以喜悅。</li> </ul>
游諸四衢，饒益眾生：	<ul style="list-style-type: none"> <li>① 入治政法，救護一切。</li> <li>② 入講論處，導以大乘。</li> <li>③ 入諸學堂，誘開童蒙。</li> <li>④ 入諸淫舍，示欲之過。</li> <li>⑤ 入諸酒肆，能立其志。</li> </ul>
	<ul style="list-style-type: none"> <li>① 若在長者，長者中尊，為說勝法。</li> <li>② 若在居士，居士中尊，斷其貪著。</li> </ul>

	③ 若在刹利，刹利中尊，教以忍辱。 ④ 若在婆羅門，婆羅門中尊，除其我慢。 ⑤ 若在大臣，大臣中尊，教以正法。 ⑥ 若在王子，王子中尊，示以忠孝。 ⑦ 若在內官，內官中尊，化正宮女。 ⑧ 若在庶民，庶民中尊，令興福力。 ⑨ 若在梵天，梵天中尊，誨以勝慧。 ⑩ 若在帝釋，帝釋中尊，示現無常。 ⑪ 若在護世，護世中尊，護諸眾生。
長者維摩詰，如是等無量方便，饒益眾生。	

## (二) 示疾度眾

其以方便，現身有疾；以其疾故，國王、大臣、長者、居士、婆羅門等，及諸王子，並餘官屬無數千人，皆往問疾。

其往者，維摩詰因以身疾，廣為說法：「諸仁者！是身無常、無強、無力、無堅，速朽之法，不可信也！為苦、為惱，眾病所集。諸仁者！如此身者，所不怙：	① 是身如聚沫，不可撮摩； ② 是身如泡，不可久立； ③ 是身如焰，從渴愛生； ④ 是身如芭蕉，中無有堅； ⑤ 是身如幻，從顛倒起； ⑥ 是身如夢，為虛妄見； ⑦ 是身如影，從業緣現； ⑧ 是身如響，屬諸因緣； ⑨ 是身如浮雲，須臾變滅； ⑩ 是身如電，念念不住； ⑪ 是身無主，為如地； ⑫ 是身無我，為如火； ⑬ 是身無壽，為如風； ⑭ 是身無人，為如水； ⑮ 是身不實，四大為家； ⑯ 是身為空，離我我所； ⑰ 是身無知，如草木瓦礫； ⑱ 是身無作，風力所轉； ⑲ 是身不淨，穢惡充滿； ⑳ 是身為虛偽，雖假以澡浴衣食，必歸磨滅； ㉑ 是身為災，百一病惱； ㉒ 是身如丘井，為老所逼；
--	--

	<p>②③ 是身無定，為要當死；</p> <p>②④ 是身如毒蛇、如怨賊、如空聚，陰、界、諸入所共合成。」</p>	
<p>「諸仁者！此可患厭，當樂佛身。所以者何？佛身者，即法身也。」</p>	<p>① 從無量功德智慧生，</p> <p>② 從戒、定、慧、解脫、解脫知見生，</p> <p>③ 從慈、悲、喜、捨生，</p> <p>④ 從布施、持戒、忍辱柔和、勤行精進、禪定解脫三昧、多聞智慧諸波羅蜜生，</p> <p>⑤ 從方便生，</p> <p>⑥ 從六通生，</p> <p>⑦ 從三明生，</p> <p>⑧ 從三十七道品生，</p> <p>⑨ 從止觀生，</p> <p>⑩ 從十力、四無所畏、十八不共法生，</p> <p>⑪ 從斷一切不善法、集一切善法生，</p> <p>⑫ 從真實生，</p> <p>⑬ 從不放逸生，</p> <p>⑭ 從如是無量清淨法生如來身。</p>	<p>諸仁者！欲得佛身，斷一切眾生病者，當發阿耨多羅三藐三菩提心。」</p>
<p>如是，長者維摩詰為問諸病者，如應說法，令無數千人，皆發阿耨多羅三藐三菩提心。</p>		